



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorum, Carolvm Martellvm, ...

Gretser, Jacob

[München], 1613

Jtem Epistola eiusdem Papæ ad domnum Regem Pippinum & Carolum vel Carlomannum, seu omni generalitati, in nomine ipsius Papæ comprehensa pro desolatione, & deuastatione sanctæ Dei Ecclesiæ & vrbis ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

Item Epistola eiusdem Papae ad dominum Regem Pippinum & Carolum vel Carlomannum, seu omni generalitati, in nomine ipsius Papae comprehensa pro desolatione, & deuastatione sanctae Dei Ecclesiae & urbis Romanae per Georgium Episcopum, & Vvarneharium Abbatem, & Thomaricum Comitem missos ipsius Apostolici directa, postulando nimis cum adiurationibus adiutorium contra Langobardos.

IV.

*Exstat apud Bar. Tom. 9. Anno 755. & Cent. 8. cap. 16. * Bar. Romanis.*

DOMNIS excellentissimis Pippino, Carolo & Carlomanno tribus regibus & nostris * Romanorum patriciis; seu omnibus Episcopis, Abbatibus, Presbyteris & Monachis, seu gloriosis Ducibus, Comitibus vel cuncto exercitui Regni & Provinciae Francorum; Stephanus Papa & omnes Episcopi, Presbyteri, Diacones, seu Duces, Carthularij, Comites, Tribuni & vniuersus populus & exercitus Romanorum omnes in afflictione positi.

Quanta luctuosa & amarissima tristitia circumuallati, quataque anxietate atque angustia coartati simus, & quantas, crebrescentibus continuis malis, oculi nostri destillantibus profundant lacrymas, credimus, quod
 * B. & C. & ipsa omnium elementorum * figmenta enarrent, quis enim harum tribulationum conspector non luceat? Quis auditor harum nobis inhaerentium calamitatum non vlulet? Quamobrem cuiusdam bonae mulieris, Susannae pudicae, verba loquimur. *Angustia nobis undique, & quid agamus, ignoramus.* O Christianissimi, ecce venerunt nobis dies angustiae, praesto sunt dies fletus & amaritudinis: quoniam quod timebamus, à Langobardis euenit; Pro quo angustiati, afflicti, & ex
 omni

Daniel. 13.

omni circumquaque parte circumdati, ab eorum nequissimo Haistulfo Rege & gente. Cum Propheta Dominum deprecantes dicimus. *Adiuua nos DEVS* Psal. 78. *salutaris noster, & propter honorem nominis tui libera nos, &c.* Et rursus; *Apprehende arma & scutum, & exsurge* Psal. 34. *in adiutorium nostrum;* Ecce enim cognitum habetis, quomodo pacis fœdera à præfato impio Haistulfo Rege & omni gente dissipata sunt, & qualiter nihil iuxta, vt constituit, & per vinculum Sacramenti confirmatum est, valuimus impetrare, & iam in ipsis Ianuariarum Kalendis cunctus eiusdem Langobardorum exercitus Tusciæ partibus, in hanc ciuitatem Romanam coniunxerunt, & resederunt iuxta portam B. Petri, atq; B. Pancratij & Portuensem; Ipse verò Haistulfus cum aliis exercitibus, coniunxit ex alia parte & sua fixit tentoria iuxta portam salariam, & cæteras portas: & sæpius nobis* direxit; *Aperite mihi portam salariam, & ingrediar ciuitatem, & tradite mihi pontificem vestrum; & patientiam ago in vobis; Si minus; ne muros euertens, vno vos gladio interficiam, & videam, quis vos eruere possit de manibus meis.* * *B. dixeris.*

Sed & Beneuentani omnes generaliter in hanc Romanam urbem coniungentes, resederunt iuxta portam B. Iohannis, & B. Pauli Apostoli & cæteras istius Romanæ urbis portas, & omnia extra urbem prædia longè lateq; ferro & igne consumpserunt, domos omnes comburentes penè ad fundamenta destruxerunt; Ecclesias Dei incenderunt, & sacratissimas sanctorum imagines in ignem proicientes, suis gladiis consumpserunt & munera sancta, id est, corpus Domini nostri Iesu Christi, in suis contaminatis vasibus, quos folles vocant, miserunt & cibo carniū

E copio-

copioso saturati; comedebant eadem munera; velamina altarium ecclesiarum Dei, vel omnia ornamenta, quod nimis crudele etiã dici est, auferentes in propriis vtilitatibus vsi sunt; seruos Dei Monachos, qui pro officio diuino in Monasteriis morabantur, plagis maximistudentes, plures lanauerunt, & sanctimoniales foeminas atq; Reclusas, quæ ab infantia & puertatis tempore pro Dei amore sese clausuræ tradiderunt, abstrahentes cum magna crudelitate polluerunt, qui etiam & in ipsa contaminatione alias interficere visi sunt, & omnes domos cultas B. Petri igni combusserunt, vel omnium Romanorum, vt dictum est, domos cõburentes extra urbem funditus destruxerunt, & omnia peculia abstulerunt, & vineas ferè ad radices absciderunt, & messes conterentes, omnino deuorarunt; & neq; domui sanctæ nostræ Ecclesiæ; neq; cuiquam in hac Romana vrbe commoranti spes remansit viuendi: Quia, vt dictum est, omnia ferro & igne consumpserunt, & multos homines interfecerunt. Sed & copiosam familiam B. Petri, & omnium Romanorum, tam viros quamq; mulieres, iugulauerunt, & alios plures captiuos duxerunt. Nam & innocentes infantulos à mammillis matrum suarum separantes, ipsasq; vi polluentes interemerunt ipsi impij Langobardi; & tanta mala in hac Romana prouincia fecerunt, quanta certè nec paganae gentes aliquando perpetratae sunt. Quia etiam (si dici potest) & ipsi lapides nostras desolationes videtes, vlulant nobiscum. Quinquaginta & quinq; dies hanc afflictam Romanam ciuitatem obsidentes, & ex omni parte circumdantes prælia fortissima die noctuq; cum pessimo furore incessanter cum diuersis machinis & adiuuentio-

nibus

nibus plurimis contra nos ad muros istius Romanæ vrbis commiserunt, vt suæ potestati, quod auertat diuinitas, subiiciens; omnes vno gladio idem inimicus^s Haululfus interimeret, ita enim cum magno furore exprobrantes nos asserabant. *Ecce circumdati estis à nobis, veniant nunc Franci, & eruant vos de manibus nostris.* Nam & ciuitatem Narniensem, quam beato Petro concessistis, abstulerunt, & aliquas ciuitates nostras^s compræhéderunt, quamobrem constricti vix potuimus, marino itinere, præsentibus nostras litteras & Missum ad vestram Christianitatem dirigere, quas^s & cum magnis lachrymis scripsimus^s.

Vnde dilectissimi nobis peto vos, & tanquam præfentialiter adfistens cum diuinis mysteriis coniuro coram Deo viuo & vero, & eius principe Apostolorum beato Petro, vt sub nimia festinatione nobis subueniatis, ne pereamus. Non nos derelinquatis; sic non vos derelinquat Dominus in omnibus vestris actibus. Non nos spernatis, sic non vos spernat Dominus, eius^s inuocantes potentiam. Ne elongetis à nobis auxilium vestrum, Christianissimi, sic non elonget Dominus^s auxilium suum à vobis, dum ingressi fueritis contra inimicos vestros ad dimicandum. Adiuuate nos sub magna velocitate, dilectissimi nobis; occurrite, occurrite, & subuenite nobis, antequam gladius inimicorum ad cor nostrum pertingat. Peto vos ne pereamus. Ne quando dicant gentes, quæ in cuncto orbe terrarum sunt, vbi est fiducia Romanorum, quam, post Dominum in Regibus & in gente Francorum habebant? non nos permittatis perire & ne differatis nobis ad solatia dandū, nec à vestro separetis auxilio, sic non sitis^s alieni à regno DEI, & ne ob-

duret Dominus aurem suam vestras ad exaudiendas preces, & ne auertat faciem suam à vobis in illo futuro examinis die, quando cum B. Petro, & ceteris suis Apostolis ad iudicandum sederit omnem ordinem, omnemque potestatem humanam, & sæculum per ignem, dicaturque, quod auertat diuinitas; *nescio vos*, quia non auxiliati estis Dei Ecclesiæ, & defendere minimè procurastis eius periclitantem peculiarem populum.

Matth. 25.

Audite nos dilectissimi, audite nos & subuenite nobis, ecce adest tempus saluandi nos; saluate nos, antequam pereamus Christianissimi, omnes & enim gentes quæ circumquaque sunt positæ & ad vestram, per Dei potentiam, Francorum fortissimam gentem, refugiū fecerunt, saluæ factæ sunt, & si omnibus auxilium impertire nõ differetis, multò amplius sanctam Dei Ecclesiam, & eius populum de inimicorum impugnatione debueratis liberare. Considerate dilectissimi, & omnino percogitate, per Deum viuum vos coniuro, quoniam post Deum, & eius principem Apostolorum, nostræ omnium Romanorum animæ in vobis pendent, & si perire quod absit, contigerit, pensate, in cuius animam respiciat ad peccatum. Certè enim omnino credite Christianissimi, si nobis aliqua euenerit calamitas quod absit, periclitandi, vos de omnibus ante tribunal Dei eritis reddituri rationem, sed magis, dilectissimi nobis, agite & liberate, post Deum, in vobis confugientes, vt fructum bonum afferentes in futuri examinis die mereamini dicere, Domine noster princeps Apostolorum B. Petre, ecce nos clientuli tui, cursum consummantes, fidem seruantes tibi, Ecclesiam Dei à superna clementia tibi commendatam

datam

datam de manibus persequentium defendentes liberauimus, & adfistentes immaculati coram te, offerimus tibi pueros, quos nobis commifisti de manibus inimicorum eruendos, hospites atque incolumes existentes. Tunc & in præfenti vita & in futuro sæculo coelestium præmiorum gaudia adipisci mereamini, audientes paternam desiderabilem vocem illam inquitentis: *Venite benedicti patris mei, percipite regnum quod vobis præparatum est ab origine mundi.* *Matth. 25.*

Quare direximus præfentem nostrum Missum, Georgium reuerèdissimum ac sanctissimum fratrem & coëpiscopum nostrum. Atque Warnecharium religiosum Abbatem Missum vestrum, & Thomaricum Comitem magnificos eosdem nostros Missos, qui vobis omnes nostros dolores & cunctas desolationes, quas à Langobardorum gente, & eorum proteruo Rege passi sumus, & assidue patimur, vobis subtili enarratione, quæ propriis oculis viderunt, viua voce edicere debeant; quibus & in omnibus, tanquam nobismet ipsis credere iubeatis, & nostram liberationem nimis festinanter procurare, & coniuro vos per Deum viuum & verum, vt nequaquam amplius discredati nostras afflictiones, & neglectum ponatis ad liberandum nos. Ne quod absit, si amplius credere distuleritis, & neglexeritis nos eruendum, nobis, quod auertat diuinitas, irruat calamitas pereundi, & vobis pertineat ad magnum detrimentum, & peccatum, atque condemnationem in præfenti & æterna vita, quia vobis animas omnium nostrorum Romanorum tradidimus: sed magis magisque vos, vt præfatum est, coniuramus, per patrem & filium & Spiritum sanctum Trinitatem indiuisam, vt nostras tribulationes, & angustias,

atq; dolores, & desolationes, credere sine qualibet ambiguitate iubeatis, & nobis propter Deum subuenire & ad liberandum nos de manibus Langobardorum inimicorum nostrorum nimis festinanter occurrere iubeatis; vt fructum afferentes copiosum, vitam æternam, intercedente beato Petro, perfrui mereamini. Præfatus vero Warneharius pro amore beati Petri lorica se induens per muros istius afflictæ Romanæ ciuitatis, vigilabat die noctuq; & pro nostra omnium Romanorum defensione atq; liberatione, vt bonus athleta Christi, decertauit totis suis cum viribus. Bene valete.

Pontifex
creatus
Anno salu-
tis 741.
Obiit 752.

Item Epistola Zachariæ Papæ ad domnum Pippinum missa, quæ prætitulata est sub Maiorum Domus nomine, eò quod nondum in Regis dignitatem esset eleuatus, vna cum Capitulis suis consultis; etiam dicto Domno Pippino vel sacerdotibus in partibus Francia, qualiter respondendum, scripsit iam dictus Pontifex.

V.

Exstat To
9. Bat. an.
no 744. C
Cent 8. cap
30.

DOMNO excellentissimo atq; Christianissimo Pippino Maiori Domus, seu dilectissimis nobis vniuersis Episcopis Ecclesiarum & religiosis Abbatibus atq; cunctis Dominum timentibus principibus, in regione Francorū constitutis; Zacharias Episcopus sanctæ Dei Catholicæ & Apostolicæ Romanæ Ecclesiæ in Domino salutem, gratia vobis & pax à Deo patre omnipotente & Dño Iesu Christo, vnico filio eius, & ab Spiritu sancto ministretur.

Gaudio magno gaudemus in Domino, addiscentes per relationem sublimissimi, & à Deo seruati prædicti filij nostri Pippini, vestram omnium bonam cō-
uersa-